

UGOVOR O NABAVCI I ISPORUCI DRONA

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef.Čurčića br. 1., Sarajevo, ID broj: 4200665390008 , koju zastupa direktor, Samir Džihić, (u daljnjem tekstu: **Kupac**), i
2. „**IMTEC**“ d.o.o. Sarajevo, ul. Bosanski put bb Ilijaš, ID broj: 71380 Ilijaš, kojeg zastupa direktor Jakub Čehić, (u daljnjem tekstu: **Prodavac**).

U daljem tekstu Ugovora, kada se Kupac i Prodavac navode zajednički, tj. zbirno, tada su označeni kao „**Ugovorne strane**“.

II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnijeg ponuđača za nabavku roba, Kupca, broj: 06-14-51-7/19 od 23.07.2019. godine i ponude Prodavca, broj: 02284/19-2 od 12.07.2019. godine.

III PREDMET UGOVORA

Član 1.

Predmet ovog Ugovora je nabavka i isporuka drona, prema tehničkim specifikacijama, koje su navedene u Tenderskoj dokumentaciji za nabavku robe Kupca, broj: 06-14-51-2/19 od 08.07.2019. godine, kao i u Ponudi Prodavca, broj: 02284/19-2 od 12.07.2019. godine, koje čine sastavni dio ovog Ugovora.

Član 2.

Dron iz člana 1. ovog Ugovora, Prodavac je dužan isporučiti prema svojoj Ponudi, te prema uputstvima Kupca i u skladu sa važećim tehničkim propisima, pravilima i standardima.

IV CIJENA I NAČIN PLAĆANJA

Član 3.

Ukupna vrijednost ugovorene robe definisane u članu 1. ovog Ugovora iznosi: 9.945,00 KM (slovima: devethiljadadevetstinačetdesetpet KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 1410010000522607 otvoren kod BBI Bank dd.

Član 4.

Ugovorne strane su saglasne da će Kupac ukupnu vrijednost iz člana 3. stav 1. ovog Ugovora isplatiti u roku od 15 dana od dana isporuke robe, ako prilikom primopredaje Kupac nema primjedbi na isporučenu robu.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 02284/19-2 od 12.07.2019. godine, Kupac se obavezuje da će isplatu izvršiti odmah, a najkasnije u roku od 10 dana, nakon što Prodavac otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti najkasnije u roku od 15 dana od dana potpisivanja Ugovora na adresu: ul. Fehima ef. Čurčića br. 1., 71000 Sarajevo.

Član 6.

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

Član 7.

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u dodatnom roku koji može biti maksimalno do 15 dana, Kupac ima pravo na raskid Ugovora, s tim da Kupac mora odobriti produženje dodatnog roka pod uslovima iz prethodnog člana.

VI KVALITET ROBE

Član 8.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, broj: 02284/19-2 od 12.07.2019. godine, a koju je Kupac odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Prodavca i Kupca.

Primopredaju robe između Prodavca i Kupca izvršit će ovlašteni predstavnici Prodavca i Kupca.

O navedenoj primopredaji robe sačinat će se Zapisnik o primopredaji, odmah, a najkasnije u roku od 24 sata, od prijema robe, koji će potpisati ovlašteni predstavnici Prodavca i Kupca.

Član 9.

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Prodavac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 15 dana, od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o primopredaji robe, Kupac zadržava pravo da raskine Ugovor.

VII OBAVEZE PRODAVCA I KUPCA

Član 10.

Prodavac se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno, prema dostavljenoj Ponudi;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
- da će prilikom primopredaje roba iz člana 1. ovog Ugovora, Kupcu predati svu potrebnu prateću dokumentaciju za istu i garantne listove na ponuđenu robu iz tehničke specifikacije, prema deklaraciji proizvođača;
- da po isporuci drona, a sve u dogovoru sa ovlaštenim predstavnikom Kupca obezbjedi obuku za korištenje, upotrebu i održavanje predmeta nabavke za 4 (četiri) uposlenika Kupca u trajanju od 2 radna dana (16 sati).

Član 11.

Kupac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII GARANTNI ROK

Član 12.

Za isporučenu robu važi garancija proizvođača robe. Garantni rok teče od dana kompletne isporuke robe.

IX UGOVORNA KAZNA I RASKID UGOVORA

Član 13.

Ukoliko Prodavac ne izvrši svoje obaveze u ugovorenom roku, dužan je da, Kupcu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

Član 14.

Ukoliko isporuka ne bude u ugovorenom roku iz člana 5. ovog Ugovora ili u dodatno dogovorenom roku, Kupac zadržava pravo jednostranog raskida Ugovora.

Razlog za raskid Ugovora može biti i stečaj, likvidacija ili drugi oblik prestanka postojanja Prodavca ili više sile.

Član 15.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

X PRIJELAZNE I ZAVRŠNE ODREDBE

Član 16.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 17.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

Član 18.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 19.

Ugovor je sačinjen u 6 (šest) istovjetnih primjerka, od kojih svaka od ugovornih strana zadržava po 3 (tri) potpisana i ovjerena primjerka.

ZA PRODAVCA

DIREKTOR

M.P. _____
IMTEC
D.O.O.
1

Broj: 2704/19
Sarajevo, 5. 8. 2019. godine

ZA KUPCA

DIREKTOR

M.P. _____
KANTON SARAJEVO
KANTONALNA UPRAVA CIVILNE ZAŠTITE
Bosna i Hercegovina - Федерација БиХ - Федерација заштите - КАНТОНАЛНА УПРАВА ЗАШТИТЕ - Босна и Херцеговина

Broj: 06-14-51-9/19
Sarajevo, 31.07.2019. godine